

Endurskoðun samþykkt Fjórðungssambands Vestfirðinga

Tillögur að breytingum lagðar fram á 66. Fjórðungssþingi að hausti á
Ísafirði 22. -23. október 2021

3 gr. Fjórðungsþing Vestfirðinga (fyrri hluti, engar breytingar)

Ársfundur Fjórðungssambands Vestfirðinga nefnist Fjórðungsþing Vestfirðinga. Fjórðungsþing er haldið í tvennu lagi á hverju ári, Fjórðungsþing að vori skal haldið í apríl eða maí og Fjórðungsþing að hausti í september eða október.

Stjórn boðar til þingsins með minnst fjögurra vikna fyrirvara og skal dagskrá send sveisarstjórnnum eigi síðar en tíu dögum fyrir þingið. Þingið er lögmætt ef löglega er til þess boðað. Fjórðungsþing Vestfirðinga setur sér þingsköp í samræmi við samþykktir sambandsins.

Stjórn er heimilt að bjóða til Fjórðungsþings, aðilum sem tengjast umfjöllun og starfi sambandsins og hafi þeir málfrelsi og tillögurétt.

Aukaþing skulu haldin þegar stjórn sambandsins telur ástæðu til svo og þegar fjórðungur sveitarfélaga innan sambandsins óskar þess, enda sé fundarefni tilgreint. Boðað skal til aukaþings með a.m.k. viku fyrirvara og skal aukaþing haldið innan tveggja mánaða frá því að beiðni berst.

3 gr. Fjórðungsping Vestfirðinga (seinni hluti)

...

Það ár sem sveitarstjórnarkosningar fara fram skal stjórn boða til aukapings fyrir lok júní, þingið skal haldið í fjarfundi. Á dagskrá aukapingsins eru eftirfarandi mál, kosning kjörnefndar og kosning fjárhagsnefndar. Skulu þessar nefndir hefja undirbúning að Fjórðungspingi að hausti, samkvæmt ákvæðum sem um þær gilda í samþykktum Fjórðungssambands og þingskapa Fjórðungspings.

Hvað felur tillagan í sér;

Markmið með vorþingi er að stjórn geri grein fyrir verkefnum og rekstri liðins árs og á kosningarári til sveitarstjórna gildir hið sama. En fráfarandi stjórn hefur einnig hlutverk sem starfsstjórn að undirbúa haustþing. Með breytingum á samþykktum 2020 var samþykkt að hafa svigrúm á dagsetningu haustþings frá september til október og stytta þannig tíma sem fráfarandi stjórn er starfandi. Miðað er því við að boða haustþing í byrjun september þegar nýjar sveitarstjórnir hafa að fullu tekið til starfa. Það er hinsvegar ákveðið millibilsástand frá sveitarstjórnarkosningum þar til nýjar sveitarstjórnir taka til starfa í byrjun júní og þá tekur nýja fulltrúa ákveðin tíma að setja sig inn í málefni sveitarfélagsins og eins geta viðræður um myndum meirihluta tekið tíma. Til að gæta samræmis við tillögu um breytingu á 9. gr samþykta um dagskrá vorþings, er tillaga um að þingið kjósi kjörnefnd á miðju kjörtímabili og starfi hún fram að haustþingi. Vorþing á kosningarári sveitarstjórna er vanhæft til að velja í kjörnefnd enda ekki ljóst hvaða sveitarstjórnarfulltrúar verði kjörnir og sama á við fjárhagsnefnd. Því er gert hér að tillögu að haldið verði aukaping og þá í fjarfundi til að auðvelda skipulag. Á aukapingi munu nýkjörnir sveitarstjórnarfulltrúar kynna sig en síðan er gengið til kjörs á kjörnefnd og fjárhagsnefnd sem undirbúi mál fyrir haustþing. Fjárhagsnefnd er ein af fastanefndum Fjórðungssambandsins og yrðu fulltrúar í henni að fá endurnýjað umboð á Fjórðungspingi.

4. gr. Fulltrúar á Fjórðungsþing og atkvæðaréttur

Fulltrúar á Fjórðungsþingi eru aðalmenn í sveitarstjórn eða varamenn þeirra.

Atkvæðafjöldi hvers sveitarfélags deilist jafnt niður á alla aðalmenn í sveitarstjórn.

Heimilt er sveitarstjórnarmanni að framselja atkvæðarétt sinn til eins eða fleiri þingfulltrúa frá eigin sveitarfélagi, sjái varamaður hans sér ekki fært að mæta í hans stað. Framselji aðalmaður atkvæðarétt sinn til varamanns eða annarra þingfulltrúa, skal hann ~~tilkynna það í sveitarstjórn~~ **senda tilkynningu til sveitarstjórnar** og afhenda viðkomandi **þingfulltrúa** undirritaða yfirlýsingu því til staðfestingar ásamt **afriti af tilkynningu til sveitarstjórnar. Yfirlýsingu um framsal atkvæðisréttar og tilkynningu til sveitarstjórnar skal þingfulltrúi sem** leggja þarf fram við komu á Fjórðungsþing.

Atkvæðisréttur sveitarfélaga á þingum Fjórðungssambands Vestfirðinga skipast þannig: Hvert sveitarfélag hefur 300 atkvæði sem grunnatkvæði. Fyrir hvern einn íbúa sveitarfélagsins bætist við eitt atkvæði. Atkvæðaréttur hvers sveitarfélags ræðst af íbúatölu sveitarfélagsins þann 1. janúar ár hvert.

Hvað felur tillagan í sér; ábending kom fram um að núverandi orðalag mætti skilja sem svo að leggja yrði tilkynningu um framsal atkvæðisréttar á fundi sveitarstjórnar. Hér er tillaga um að setja skýrar fram að hér væri um að ræða einfalda tilkynningu til sveitarstjórnar til upplýsingar um stöðu máls

5. gr. Stjórn Fjórðungssambandsins (fyrri hluti)

Kosning í stjórn Fjórðungssambands Vestfirðinga fer fram á haustþingi. Kjósa skal fimm menn í stjórn sambandsins og jafn marga til vara. Kjörtímabil stjórnar eru 24 mánuðir, kosið skal í stjórn á kosningaári sveitarstjórna og aftur að tveimur árum liðnum. Kjörgengir til stjórnar eru aðal- og varafulltrúar í sveitarstjórnunum á Vestfjörðum. **Eigi sveitarfélag ekki stjórnarmann getur það tilnefnt áheyrnarfulltrúa sem hefur seturétt á stjórnarfundum.**

Hvað felur tillagan í sér;

í skýrslu starfshóps Samgöngu og sveitarstjórnarráðuneytis um starfsemi landshlutasamtaka frá 2020 var bent á að ákveðin lýðræðishalli sé í stjórnnum hluta landshlutasamtaka m.a. að í stjórnnum þeirra séu ekki fulltrúar allra sveitarfélaga sem eiga aðild að samtökunum. Sú tillaga sem hér er sett fram á sér fyrirmynd úr samþykktum Samtaka sveitarfélaga á Austurlandi. Rétt er að benda á annað fyrirkomulag en hjá Samtökum sveitarfélaga á Vesturlandi eru stjórnarmenn úr öllum sveitarstjórnunum stjórn samtakanna og til viðbótar hefur sveitarfélag með fleiri en 3000 íbúa tvo fulltrúa en önnur einn fulltrúa. Þetta gerir alls 12 manna stjórn.

Rétt er einnig að benda m.t.t. lýðræðishalla, að allir sveitarstjórnarfulltrúar á Vestfjörðum eiga rétt á setu á Fjórðungspingi en í öðrum landshlutasamtökum eru ársfundir fulltrúaráðsfundir með takmörkun á fjölda fulltrúa eftir atkvæðavægi hvers sveitarfélags (þar ræður íbúafjöldi mestu).

5. gr. Stjórn Fjórðungssambandsins (seinni hluti)

..

Úr hópi kjörinna stjórnarmanna kýs Fjórðungsþing formann stjórnar, en stjórn kýs varaformann. Stjórnarformaður, sem gegnt hefur formennsku í fjögur ár samfleytt, er ekki kjörgengur til formannskjörs fyrr en að jafnlöngum tíma liðnum. Ef aðalmaður eða varamaður í stjórn eða nefnd fellur frá eða missir kjörgengi, skal á næsta ársþingi kjósa í hans stað fyrir þann tíma sem eftir er af kjörtímanum. **Hætti varamaður eða varamaður tekur sæti aðlmanns í stjórn, skal stjórn - að höfðu samráði við heimasveitarfélag - skipa nýja varamann til næsta ársþings.**

Stjórn Fjórðungssambands Vestfirðinga fer með yfirstjórn á rekstri sambandsins í samræmi við fjárhagsáætlun og aðrar samþykktir. Stjórn vinnur að framkvæmd mála sem Fjórðungsþing ákveður hverju sinni eða lög frá Alþingi segja til um. Stjórn er heimilt að hafa frumkvæði að málum og taka upp mál sem sveitarfélög innan sambandsins beina til hennar og varða hagsmuni vestfirskra sveitarfélaga.

Hvað felur tillagan í sér;

Ítrekað hefur komið upp á síðustu árum að aðalmenn eða varamenn í stjórn hafa misst kjörgengi í sveitarstjórn á milli ársþinga. Ef varamaður tekur sæti aðlmanns þá er sæti hans óskipað og veldur það vankvæðum ef aðalfulltrúi forfallast á stjórnarfund, i hvort boða eigi aðra varamenn af öðrum svæðum á Vestfjörðum eða boða varamann sem er skipar sæti minnihluta í sveitarstjórn. Hér er tillaga gerð um að stjórn FV leiti til viðkomandi sveitarfélags um skipan nýs varamanns fram að næsta ársþingi en þar er skipan hans endanlega staðfest með kosningu á ársþingi nú eða nýr varamaður kosinn í hans stað.

8. gr. Sérstök málefni sveitarfélaga

Hvorki stjórn, né fundir Fjórðungssambands Vestfirðinga skulu hafa afskipti af sérmálum einstakra sveitarfélaga, nema þess sé óskað af viðkomandi sveitarstjórn, enda gangi afskiptin ekki gegn hagsmunum annarra sveitarfélaga á sambandssvæðinu.

Hvað felur tillagan í sér; Tillagan á sér fyrirmynd úr samþykktum SSA og telur stjórn FV rétt sé að taka upp sama ákvæði í samþykktir FV. Tillagan skýrir sig sjálf en áhrif tillögunnar munu koma fram m.a. í framsetningu á stefnumörkun FV og við skrif á umsögnum

9. gr. Fjórðungsþing að vori

Stjórn Fjórðungssambands Vestfirðinga skal undirbúa og hafa umsjón með Fjórðungsþingi að vori, ár hvert.

Stjórnin leggur fyrir Fjórðungsþing endurskoðaða og áritaða ársreikninga, endurskoðaða fjárhagsáætlun líðandi árs og undirbýr önnur mál fyrir þingið. Bæði ársreikningarnir og endurskoðuð fjárhagsáætlun skulu hafa verið send sveitarstjórnnum eigi síðar en 10 dögum fyrir Fjórðungsþing.

Á dagskrá Fjórðungsþings að vori skulu vera þessi mál;

1. Skýrsla stjórnar og rekstrareininga, sem FV ber ábyrgð á.
2. Afgreiðsla ársreikninga og skýrslu endurskoðenda FV og rekstrareininga sem FV ber fjárhagslega ábyrgð á.
3. Endurskoðuð fjárhagsáætlun fyrir líðandi starfsár.
4. Ákvörðun dagsetningar haustþings og umfjöllunarefnis.
5. **Kosning kjörnefndar fyrir haustþing á miðju kjörtímabili sveitarstjórna**
6. Önnur mál löglega fram borin.
7. Frestun Fjórðungsþings Vestfirðinga

Hvað felur tillagan í sér; Tillaga um kjörnefnd er í dag einungis tilgreind í þingsköpum og þá miðað við að kjörnefnd sé skipuð í upphafi þings. Kjörnefnd hefur því takmarkaðan tíma fyrir sína vinnu og hefur á síðustu árum verið brugðist við því að fá inn tilnefningar sveitarstjórna fyrir þingið og nefndin komið óformlega saman. Með þessari breytingu er fastsett með skipan nefndarinnar á vorþingi og getur hún því tekið til starfa og skilað tillögu til haustþings t.d. með öðrum gögnum 10 dögum fyrir þing.

11. gr. Fastanefndir **ATH 3 tillögur**

Tillaga A: Óbreytt tilhögun

Á Fjórðungsþingi skulu kosnir fulltrúar í þessar nefndir;

- Í Úthlutunarnefnd Uppbyggingarsjóðs skulu kjörnir fimm fulltrúar. Þrír fulltrúar úr hópi aðalfulltrúa eða varafulltrúa sveitarstjórna á Vestfjörðum, þar af einn fulltrúi af norðanverðum Vestfjörðum, einn fulltrúi af sunnanverðum Vestfjörðum og einn fulltrúi af Ströndum/Reykhólum. Tveir fulltrúar skulu koma utan Vestfjarða og verði valdir úr atvinnulífi, menningarlífi og rannsókna og háskólastofnunum
- Kjörrið skal í tvö fagráð sem fjalli um umsóknir áður en úthlutunarnefnd Uppbyggingarsjóðs fær umsóknir til afgreiðslu. Í fagráð menningar skulu kjörnir fjórir fulltrúar og í fagráð atvinnuþróunar, nýsköpunar og umhverfismála skulu kjörnir fjórir fulltrúar. Þrír fulltrúar hvors fagráðs skulu kjörnir með tilliti til þess að einn fulltrúi komi af norðanverðum Vestfjörðum, einn fulltrúi af sunnanverðum Vestfjörðum, einn fulltrúi af Ströndum/Reykhólum og einn utan Vestfjarða. Fulltrúar skulu koma úr atvinnulífi, menningarlífi og rannsókna og háskólastofnunum.
- Í fjárhagsnefnd skulu kjörnir fimm fulltrúar og fimm til vara. Úr hópi kjörinna aðalmanna skal kjósa formann Fjárhagsnefndar með sérstakri kosningu. Fjárhagsnefnd skal vinna með stjórn Fjórðungssambands Vestfirðinga, framkvæmdastjóra Vestfjarðastofu og sviðstjóra byggðarmála hjá Vestfjarðastofu, að framlagningu fjárhagsáætlunar og endurskoðaðar fjárhagsáætlunar ár hvert.

Kjörtímabil nefnda skal vera tvö ár og fylgir kosningu stjórnar samanber 5. gr. Þá skal Fjórðungsþing kjósa fulltrúa sambandsins í aðrar nefndir og ráð.

Stjórn Fjórðungssambands Vestfirðinga skal stofna til samráðsvettvangs framkvæmdastjóra og oddvita sveitarfélaga á Vestfjörðum sem fundi með stjórn allt að fjórum sinnum á ári.

Hvað felur tillagan í sér:

Óbreytt tilhögun með þrjár nefndir. Til umræðu kom á 65. þingi haust, að leggja nefndina niður og fela stjórn verkefni hennar.

Við kynningu á tillögunni á 66. þingi vor, var tillögunni andmælt. Tillaga A, er þess efnis að halda óbreyttu fyrirkomulagi, á þeim forsendum að samgöngu- og fjarskiptamál séu sem fyrr veigamestu málaflokkar FV og stór verkefni fram undan s.s. jarðgangamál. Mikilvægt sé að halda samfelldri vinnu við þennan málaflokk.

Kostir: Fjórðungurinn er með sérstaka talsmenn til að tala fyrir samgöngum og fjarskiptum.

Gallar: Stjórn er oft að fjalla um sömu efni og því þarf upplýsingaflæði á milli stjórnar og samgöngunefndar að vera skilvirkt til að allir séu á sömu blaðsíðu. Jafnframt mætti skýra hvar í skipuritinu samskiptanefnd fellur svo það sé ekki verið að vinna sömu verkefni á tveimur stöðum.

11. gr. Fastanefndir **ATH 3 tillögur**

Tillaga B: Samgöngunefnd lögð niður og tímabundinn starfshópur settur í staðinn

Á vegum Fjórðungssambands Vestfirðinga starfa tvær fastanefndir, Úthlutunarnefnd Uppbyggingarsjóðs Vestfjarða og Fjárhagsnefnd.

Á Fjórðungsþingi skulu kosnir fulltrúar í þessar nefndir;

- Í Úthlutunarnefnd Uppbyggingarsjóðs skulu kjörnir fimm fulltrúar. Þrjú fulltrúar úr hópi aðalfulltrúa eða varafultrúa sveitarstjórna á Vestfjörðum, þar af einn fulltrúi af norðanverðum Vestfjörðum, einn fulltrúi af sunnanverðum Vestfjörðum og einn fulltrúi af Ströndum/Reykhólum. Tveir fulltrúar skulu koma utan Vestfjarða og verði valdir úr atvinnulífi, menningarlífi og rannsókna og háskólastofnunum
 - Kjörrið skal í tvö fagráð sem fjalli um umsóknir áður en úthlutunarnefnd Uppbyggingarsjóðs fær umsóknir til afgreiðslu. Í fagráð menningar skulu kjörnir fjórir fulltrúar og í fagráð atvinnuþróunar, nýsköpunar og umhverfismála skulu kjörnir fjórir fulltrúar. Þrjú fulltrúar hvors fagráðs skulu kjörnir með tilliti til þess að einn fulltrúi komi af norðanverðum Vestfjörðum, einn fulltrúi af sunnanverðum Vestfjörðum, einn fulltrúi af Ströndum/Reykhólum og einn utan Vestfjarða. Fulltrúar skulu koma úr atvinnulífi, menningarlífi og rannsókna og háskólastofnunum.
- Í fjárhagsnefnd skulu kjörnir fimm fulltrúar og fimm til vara. Úr hópi kjörinna aðalmanna skal kjósa formann Fjárhagsnefndar með sérstakri kosningu. Fjárhagsnefnd skal vinna með stjórn Fjórðungssambands Vestfirðinga, framkvæmdastjóra Vestfjarðastofu og sviðstjóra byggðarmála hjá Vestfjarðastofu, að framlagningu fjárhagsáætlunar og endurskoðaðar fjárhagsáætlunar ár hvert.

Kjörtímabil nefnda skal vera tvö ár og fylgir kosningu stjórnar samanber 5. gr. Þá skal Fjórðungsþing kjósa fulltrúa sambandsins í aðrar nefndir og ráð.

Stjórn Fjórðungssambands Vestfirðinga skal stofna til samráðsvettvangs framkvæmdastjóra og oddvita sveitarfélaga á Vestfjörðum sem fundi með stjórn allt að fjórum sinnum á ári.

Hvað felur tillagan í sér:

Tillaga er um að leggja niður samgöngu og fjarskiptanefnd og stjórn fari með málefni sem til hennar hafa heyrt. Stjórn setji samhliða fram tillögu fyrir Fj.þing að skipaður verði þriggja til fimm manna starfshópur sem einn stjórnarmanna veiti forystu.

Verkefni starfshópsins verði að vinna að stefnumörkun og fylgja eftir málum gagnvart stjórnvöldum og Alþingi. Málsvið starfshópsins verði samgöngu, fjarskipta og orkumál.

Starfshópurinn hafi umboð til ákveðins tíma t.d. að vinna að gerð áætlunar um samgöngumál og fjarskiptamál. Eins megi útvíkka málefni starfshópsins til að taka inn orkumál og afhendingaröryggi raforku.

Kostir: Stjórn ber ábyrgð á þessum verkefnum og því er ekki verið að vinna sömu hlutina á tveimur stöðum. Stjórnarmenn geta þá sérhæft sig meira í málefnum og verið talsmenn ákveðins málaflokks innan stjórnar.

Gallar: Færa má fyrir því gild rök að við séum ekki kominn á þann stað sem við viljum vera varðandi innviði og mikilvægt að málaflokknum sé haldið á lofti.

11. gr. Fastanefndir **ATH 3** tillögur

Tillaga C: Innviðanefnd komi í stað Samgöngu- og fjarskiptanefndar

Á vegum Fjórðungssambands Vestfirðinga starfa þrjár fastanefndir; Innviðanefnd, Úthlutunarnefnd Uppbyggingarsjóðs Vestfjarða og Fjárhagsnefnd.

Á Fjórðungssþingi skulu kosnir fulltrúar í þessar nefndir;

- Í Úthlutunarnefnd Uppbyggingarsjóðs skulu kjörnir fimm fulltrúar. Þrjú fulltrúar úr hópi aðalfulltrúa eða varafulltrúa sveitarstjórna á Vestfjörðum, þar af einn fulltrúi af norðanverðum Vestfjörðum, einn fulltrúi af sunnanverðum Vestfjörðum og einn fulltrúi af Ströndum/Reykhólum. Tveir fulltrúar skulu koma utan Vestfjarða og verði valdir úr atvinnulífi, menningarlífi og rannsókn og háskólastofnunum.
 - Kjörrið skal í tvö fagráð sem fjalli um umsóknir áður en úthlutunarnefnd Uppbyggingarsjóðs fær umsóknir til afgreiðslu. Í fagráð menningar skulu kjörnir fjórir fulltrúar og í fagráð atvinnuþróunar, nýsköpunar og umhverfismála skulu kjörnir fjórir fulltrúar. Þrjú fulltrúar hvors fagráðs skulu kjörnir með tilliti til þess að einn fulltrúi komi af norðanverðum Vestfjörðum, einn fulltrúi af sunnanverðum Vestfjörðum, einn fulltrúi af Ströndum/Reykhólum og einn utan Vestfjarða. Fulltrúar skulu koma úr atvinnulífi, menningarlífi og rannsókn og háskólastofnunum.
- Í fjárhagsnefnd skulu kjörnir fimm fulltrúar og fimm til vara. Úr hópi kjörinna aðalmanna skal kjósa formann Fjárhagsnefndar með sérstakri kosningu. Fjárhagsnefnd skal vinna með stjórn Fjórðungssambands Vestfirðinga, framkvæmdastjóra Vestfjarðastofu og sviðstjóra byggðarmála hjá Vestfjarðastofu, að framlagningu fjárhagsáætlunar og endurskoðaðar fjárhagsáætlunar ár hvert.
- Í Innviðanefnd skulu kosnir fimm fulltrúar og fimm til vara. Úr hópi kjörinna aðalmanna skal kjósa formann Innviðanefndar með sérstakri kosningu og skal sá fulltrúi jafnframt eiga sæti í stjórn Fjórðungssambands. Innviðanefnd vinnur með stjórn, framkvæmdastjóra Vestfjarðastofu og sviðstjóra byggðarmála hjá Vestfjarðastofu að gerð og eftirfylgni innviðaaætlunar og við hagsmunagæslu vegna innviðauppyggingar.

Kjörtímabil nefnda skal vera tvö ár og fylgir kosningu stjórnar samanber 5. gr. Þá skal Fjórðungssþing kjósa fulltrúa sambandsins í aðrar nefndir og ráð.

Stjórn Fjórðungssambands Vestfirðinga skal stofna til samráðsvettvangs framkvæmdastjóra og oddvita sveitarfélaga á Vestfjörðum sem fundi með stjórn allt að fjórum sinnum á ári.

Hvað felur tillagan í sér:

Tillagan um að leggja niður samgöngu og fjarskiptanefnd en stofna þess í stað Innviðanefnd. Starfssvið nefndarinnar verði samgöngumál, fjarskiptamál, orkumál og afhendingaröryggi raforku. Með þessu eru málefni lykilinnviða Vestfjarða kominn undir eitt. Nauðsynlegt er að endurskoða reglulega hvaða verkefni

Kostir: Málefnum er sannarlega haldið uppi á borðum. Hér eru undir fleiri mál en eru í samgöngu og fjarskiptanefnd og því víðtækara hlutverk nefndarinnar. Hópar hafa skýrt, afmarkað hlutverk og tímaramma.

Gallar: Innviðanefnd fjallar um sömu hluti og eru aðal umfjöllunarefni stjórnar FV og því verið að há baráttur á tveimur vígsstöðum.

Hafa þarf í huga: Huga þarf að upplýsingaflæði og með hvaða hætti samráð og samstarfi við stjórn er háttað. Einnig er mikilvægt að huga að skipuritinu til að gera sér grein fyrir hvort nefndin starfi undir stjórn eða samhliða stjórn.

Þingsköp 2. gr.

Var; Þingið er haldið samkvæmt lögum sambandsins í tvennu lagi að vori og hausti. Við lok vorþings er þingi frestað til haust og við lok haustþings er þingi slitið.

Þingið er haldið samkvæmt lögum sambandsins í tvennu lagi að vori og hausti. Við lok vorþings er þingi frestað til haust og við lok haustþings er þingi slitið. **Aukaþing skal haldið á því ári sem sveitarstjórnarkosningar fara fram.**

Heimilt er að nota fjarfundarbúnað á Fjórðungsþingi og aukaðing og nefnda og ráða á vegum sambandsins, ef aðstæður mæla með því að slíkur búnaður sé notaður. Þegar fjarfundarbúnaðar er notaður skal tryggja jafna möguleika allra fundarmanna til þátttöku á fundi og í atkvæðagreiðslu og óskerta möguleika þeirra til að fylgjast með því sem þar fer fram.

Hvað felur tillagan í sér;

Að aukaðing gefi nýjum sveitarstjórnarfulltrúm færi á að kynnast og kjósa kjörnefnd og fjárhagsnefnd til að undirbúa tillögur fyrir Fjórðungsþing, haust.

Ekki er heimild í þingsköpum að nota fjarfundabúnað og er tillaga sett hér fram um slíkt. Tillagan byggir á nýjum heimildum í sveitarstjórnarlögum um heimild til að nota fjarfundabúnað fyrir sveitarstjórn og nefndir sveitarfélaga.

Þingsköp 6. gr.

Var:

Í upphafi haustþings skal kjósa eftirtaldar fastar nefndir: Fjórðungsmálanefnd og allsherjarnefnd. Málum skal, eftir eðli þeirra, vísað til þeirra nefnda en kjósa má fleiri nefndir ef þurfa þykir eða starfa í einni málstofu. Rísi ágreiningur um til hvernar nefndar skuli vísað sker þingfundur úr. Á þingum, þegar kosningar fara fram, skal þingið kjósa fimm manna kjörnefnd sem gera skal tillögur að skipan stjórnar, varastjórnar, aðal- og vara- endurskoðenda. Á dagskrá má taka mál, sem síðar koma, ef þingfundur leyfir.

Verður:

Í upphafi haustþings skal kjósa eftirtaldar fastar nefndir:

- Stjórnskipulagsnefnd, sem fjallar um samþykktir, þingsköp, starfsreglur og annað sem varðar stjórnskipulag Fjórðungssambands.
- Allsherjarnefnd, sem fjallar um ályktanir ársþings og þau mál sem varða markmið og almenn verkefni Fjórðungssambandsins.

Auk þessara nefnda getur þingið ákveðið að setja nefndir um sérstök mál eða málaflokka til starfa á þinginu eða milli þinga. Heimilt er að haga svo kjöri í þingnefndir að fulltrúar velji sjálfir þá nefnd sem þeir vilja starfa í.

Málum skal, eftir eðli þeirra, vísað til þeirra nefnda en kjósa má fleiri nefndir ef þurfa þykir eða starfa í einni málstofu. Á dagskrá má taka mál, sem síðar koma, ef þingfundur leyfir.

Á þingum, þegar kosningar fara fram starfar kjörnefnd sem Fjórðungsþing eða aukaðing hefur áður valið. Kjörnefnd leggur fram tillögur að skipan stjórnar, formanns stjórnar, varastjórnar, endurskoðenda og fastanefndir samkvæmt samþykktum.

Þingsköp 13. gr.

Var:

Fulltrúar skulu taka til máls standandi frá sætum sínum eða í ræðustól og snúa máli sínu til forseta, sem sjá skal um, að fulltrúar taki til máls í réttri röð, eftir því sem þeir hafa kvatt sér hljóðs. Enginn fulltrúi má í ræðu sinni lesa upp prentað mál, nema með leyfi forseta.

Verður:

Fulltrúar skulu taka til máls í ræðustól og snúa máli sínu til forseta, sem sjá skal um, að fulltrúar taki til máls í réttri röð, eftir því sem þeir hafa kvatt sér hljóðs. Enginn fulltrúi má í ræðu sinni lesa upp prentað mál, nema með leyfi forseta. **Heimilt er fyrir fulltrúa að koma með stuttar fyrirspurnir úr sæti sínu.**

Hvað felur tillagan í sér.

Tillagan skýrir sig sjálf en er til að auðvelda störf þingsins

Þingsköp 14. gr.

Var:

Enginn fulltrúi má taka oftár til máls en *þrisvar* sinnum við sömu umræðu í hverju máli, en þó skulu flutningsmenn máls og framsögumenn meiri- og minnihluta nefnda hafa rétt til að taka oftár til máls.

Verður:

Enginn fulltrúi má taka oftár til máls en **tvisvar** sinnum við sömu umræðu í hverju máli, en þó skulu flutningsmenn máls og framsögumenn meiri- og minnihluta nefnda hafa rétt til að taka oftár til máls.

Hvað felur tillagan í sér.

Tillagan skýrir sig sjálf en er til að auðvelda störf þingsins